

Sjøtroll Havbruk AS
5397 Bekkjjarvik

Dato: 25.03.2015
Vår ref.: 2015/3463-3
Saksbehandlar: Vibeke Lokøy
Tlf: 55 23 91 45

H-OR-17 og H-L-22 Sjøtroll Havbruk AS, org. nr. 929363833 - Løyve til å etablere anlegg for produksjon av stamfisk av regnbogeaure av AquaGen-stammen på lokalitet 13566 Storskrebukti i Lindås kommune

Vedtak

Hordaland fylkeskommune gjev med dette Sjøtroll Havbruk AS, org. nr. 929363833, akvakulturløyva med reg. nr. H-OR-17 og H-L-22, løyve til å etablere flytande akvakulturanlegg for oppdrett av stamfisk av regnbogeaure (*Oncorhynchus mykiss*) i sjø på følgjande lokalitet i Lindås kommune i Hordaland fylke:

Nr	Lokalitet	Kommune	Lokalitets-biomasse	Anleggets midtpunkt Euref89/WGS84	Samlokalisering
13566	Storskrebukti	Lindås	780 tonn	60° 39.210' N 05° 25.151' E	H-OR-17 og H-L-22

Anlegget er godkjent med følgjande hjørnepunkter-kartreferanser oppgjeve i Euref-89/WGS84			
1	2	3	4
60° 39.178' N 05° 25.171' E	60° 39.226' N 05° 25.105' E	60° 39.236' N 05° 25.137' E	60° 39.188' N 05° 25.201' E

Lokalitet 13566 Storskrebukti er godkjent for løyva H-OR-17 og H-L-22. Kvart av løyva omfattar ein maksimal tillaten biomasse (MTB) på 780 tonn. Løyvet H-OR-17 er tidsavgrensa til 08.02.2027 og løyvet H-L-22 er tidsavgrensa til 24.05.2028. For nærmare oversikt over kva lokalitetar som er godkjend for løyva, viser vi til akvakulturregisteret.

Dette løyvet erstattar tidlegare vedtak om lokalitetsklarering av 24.05.2013.

Lovheimel

Løyvet er gjeve av Hordaland fylkeskommune med heimel i Lov av 17.06.2005 nr. 79 om akvakultur og Forskrift av 22.12.2004 nr. 1798 om tillatelse for akvakultur for laks, ørret og regnbueørret (laksetildelingsforskrifta). Dette løyvet etter akvakulturlova inkluderer løyve etter matlova, forureiningslova og hamne- og farvannslova.

Særskilde vilkår for stamfiskløyva H-OR-17 og H-L-22

Hordaland fylkeskommune viser til vedtak frå Fiskeridirektoratet av 04.11.2014 om å endre vilkår i stamfiskløyva H-OR-17 og H-L-22, frå å gjelde produksjon av laks til å gjelde produksjon av regnbogeaure. Endringane gjeld frå 1. april 2015.

Det er knytt følgjande særlege vilkår til stamfiskløyve H-OR-17 og H-L-22.

- Løyvet skal brukast til produksjon av stamfisk av regnbogeaure av AquaGen-stamme frå eliterogn til produksjon av ordinær salgrog. Ordinær salsrog er rogn som skal brukast til produksjon av matfisk. Stamfisken skal nyttast til å drive systematisk avlsarbeid (produksjon av avlskjerne/familiar), oppformering av stamfisk frå eliterogn for produksjon av ordinær salsrog, samt sikring av avlskjernen og sikringa av stamfiskproduksjonen.
- Det er ein føresetnad at avlsarbeidet vert utført i samsvar med den skildringa som går fram av søknaden og som ligg til grunn for tildeling av løyvet jf. Fiskeridirektoratets vurdering av søknaden.
- Genetisk framgang og innavlsøkning skal dokumenterast og kunne leggjast fram på førespurnad frå forvaltninga.
- Utnytting av stamfiskløyvet med MTB lik 780 tonn må årleg landsette nok kjønnsmoden stamfisk for ein produksjon av minst 35 millionar befrukta og innlagte rognkorn.
- All smolt som vert sett ut i anlegget under løyva skal vera stamfiskrekruttar med direkte opphav frå eliterogn.
- Innehavar av eit stamfiskløyve à 780 tonn MTB som tre år på rad produserer mindre enn 35 millionar befrukta og innlagte rognkorn risikerer inndraging av løyvet eller reduksjon av løyvet sin MTB, jf. Akvakulturlova § 9.

Grunngjeving

Sjøtroll Havbruk AS søkte 08.11.2013 Fiskeridirektoratet om løyve til å gjere om produksjonen av stamfisk av laks på lokalitet 13566 Storskrebukti til produksjon av stamfisk av regnbogeaure. Sjøtroll Havbruk AS og Lerøy Vest AS ynskjer å auke si satsing på produksjon av matfisk av regnbogeaure i Hordaland, og har inngått ny lisensavtale med AquaGen AS om produksjon av rogn og melke frå regnbogeaure av AquaGen-stammen. Produksjonen skal foregå på dei same sjølokalitetane som i dag vert nytta til produksjon av stamfisk av laks; 12077 Tveitnesvik, 13565 Øvreås og 13566 Storskrebukti.

Fiskeridirektoratet sitt rådgjevande utval for stamfiskløyve (Stamfiskutvalet) har vurdert søknaden, og uttalt at Sjøtroll Havbruk AS har den nødvendige avlsfaglege kompetansen på regnbogeaure og tilstrekkeleg stamfiskfagleg kompetanse. Stamfiskutvalet ser det som positivt at det vert satsa meir på avl av regnbogeaure. Fiskeridirektoratet vurderer at ei endring av vilkåra for løyva H-OR-17 og H-L-22 til å produsere stamfisk og rogn av regnbogeaure av AquaGen-stamme framleis vil bidra til å fremje formålet om å produsere rogn og melke av sjukdomsfri fisk med høg avlsverdi, jf. laksetildelingsforskrifta § 22 sjette ledd. Ut frå hensynet til geografisk spredning av stamfiskproduksjonen av AquaGen-stamme, vurderer Fiskeridirektoratet det som positivt at Sjøtroll Havbruk AS vil etablere produksjon av regnbogeaure av denne stammen i Hordaland, jf. laksetildelingsforskrifta § 28 første ledd.

Lokalitet 13566 Storskrebukti vart i vedtak av 24.05.2013 klarert for løyva H-OR-17 og H-L-22 til oppdrett av stamfisk av laks jf. reglane i Laksetildelingsforskrifta. Søknaden vart lagt ut til offentleg utlysing, samt send til Lindås kommune, Mattilsynet, Fylkesmannen, Kystverket Vest og Fiskeridirektoratet for handsaming etter sektorlover. Det vert ikkje søkt om endring av areal eller MTB på lokaliteten. Søknaden er difor ikkje send til verken Mattilsynet, Kystverket, Fylkesmannen eller Lindås kommune for handsaming. Vedtaka etter matlova og forureiningslova ved førre lokalitetsklarering gjeld for laks, aure og regnbogeaure, og kan difor vidareførast i dette løyvet.

Lindås kommune har fatta følgjande delegert vedtak om uttale den 30.04.2013 "Lindås kommune har vurdert søknaden etter plan- og bygningslova og har ingen merknad knytt til plasseringa av anlegget».

Søknaden er handsama av Fylkesmannen i Hordaland, miljøvern- og klimaavdelinga og dei fatta følgjande vedtak 01.03.2013 «Sjøtroll Havbruk AS får løyve til utslepp til luft og vatn for produksjon av 780 tonn MTB av laks og aure på Storskredbukti. Utsleppsløyvet er gitt i medhald av forureiningslova §11, jf §16.»

Søknad er handsama av Mattilsynet DK Bergen og Omland den 16.04.2013 og dei fatta følgjande vedtak «Sjøtroll Havbruk AS gis tillatelse til endring av akvakulturlokalitet 13565 Storskredbukti til en produksjon på 1560 tonn MTB av stamfisk av laks, ørret og regnbueørret.

Godkjenning er gitt på følgende vilkår;

1. Lokaliteten skal for hver generasjon ha minst 1 måned felles brakklegging med lokalitet 13565 Øvreås.»

Kystverket Vest fatt følgjande vedtak 29.01.2013. «Med heimel i hamne- og farvannslova §27 første ledd j. forskrift 3. desember 2009 nr. 1449 om tiltak som krever tillatelse av Kystverket §1 gis det tillatelse til søknad om etablering av anlegg av matfisk på lokalitet 13566 Storskredbukti i Lindås kommune i samsvar med vedlagte stemplede kart og angitte hjørneposisjoner for anleggets beliggenhet.»

Hordaland fylkeskommune har vurdert søknaden etter lov av 17. juni 2005 nr 79 om akvakultur, og i høve til generelle vilkår for klarering av akvakulturlokalitet som nemnd i § 30 i laksetildelingsforskrifta som seier at lokalitet for akvakultur kan klarerast dersom:

- a) det er miljømessig forsvarlig;
- b) det er foretatt en avveining av arealinteresser, med særlig vekt på
 1. søkers behov for areal til planlagt akvakultur,
 2. alternativ bruk av området til annen akvakultur,
 3. annen bruk av området, og
 4. verneinteresser som ikke omfattes av bokstav d.
- c) det er gitt tillatelser som kreves etter
 1. lov 19. desember 2003 nr. 124 om matproduksjon og mattrygghet mv.,
 2. lov 13. mars 1981 nr. 6 om vern mot forurensninger og om avfall,
 3. lov 17. april 2009 nr. 19 om havner og farvann.
- d) det ikke er i strid med
 1. vedtatte arealplaner etter plan- og bygningsloven 14. juni 1985 nr. 77,
 2. vedtatte vernetiltak etter kapittel V i lov 19. juni 2009 nr. 100 om forvaltning av naturens mangfold,
 3. vedtatte vernetiltak etter lov 9. juni 1978 nr. 50 om kulturminner.

og kome fram til at tiltaket ikkje kjem i konflikt med reglane i forskrifta.

Ved handsaming av søknaden er sakshandsamingsreglane i naturmangfoldlova av 19. juni 2009 nr. 100 § 8-12 følgt i vurdering av om tiltaket det vert søkt om er miljømessig forsvarleg etter laksetildelingsforskrifta § 30 a. Søknaden gjeld endring av art på ein eksisterande lokalitet for stamfisk, utan anna endring i produksjonen. Fylkeskommunen kan ikkje sjå at omsøkte endring på eksisterande lokalitet kan ha negativ og irreversibel påverknad på naturmangfoldet.

Etter ei samla vurdering har Hordaland fylkeskommune gjeve Sjøtroll Havbruk AS org. nr. 929363833, akvakulturløyva med reg. nr. H-OR-17 og H-L-22, løyve til å etablere flytande akvakulturanlegg for oppdrett av stamfisk av regnbogeaure (*Oncorhynchus mykiss*) med ein maksimalt tillaten biomasse på 780 tonn på lokalitet 13565 Storskredbukti i Lindås kommune på nærmare vilkår.

Generelle vilkår

Løyve vert gjeve under føresetnad av at etablering, drift og eventuelt avvikling vert gjennomført i samsvar med gjeldande lovverk, forskrifter og vilkår.

Lokaliteten skal etablerast i samsvar med vedlagte kart. Dersom De ønskjer å endra anlegget i høve til dette løyvet, må det sendast søknad om dette til Hordaland fylkeskommune.

Løyve etter Akvakulturlova inneberer at det er gjeve eit offentleg rettsleg løyve inkludert løyve etter matlov, forureiningslova og hamne- og farvannslova.

Løyvet vert gjeve utan ansvar med omsyn til nabo-, eigedoms- eller andre privatrettslege tilhøve. Dette løyvet frittek Dykk ikkje frå plikt til å innhenta naudsynt løyve etter andre lover, eller plikt til å retta Dykk etter reglar og påbod som vert gjeve med heimel i slike lover.

Løyve kan trekkjast attende eller anlegget kan verte kravd redusert dersom tilhøva skulle tilseie dette.

Pliktar

Som konsesjonsinnehavar har De plikt til å sette Dykk inn i det regelverket som gjeld for løyver etter akvakulturlova. Akvakulturlova med tilhøyrande forskrifter er tilgjengeleg på www.lovdata.no.

De pliktar å gje representantar frå Fiskeridirektoratet, Fylkesmannen, Kystverket og Mattilsynet tilgang til gransking av og opplysningar om anlegget.

Kopi av dette løyvet med vedlegg skal oppbevarast tilgjengeleg for alle tilsette på anlegget, og også slik at løyvet kan synast til alle som har kontrollrett.

Vedlegg

Uttale frå Fylkesmannen i Hordaland 01.03.2013 og utsleppsløyve 01.03.2013, Mattilsynet DK Bergen og Omland 16.04.2013 og Kystverket Vest 29.01.2013, samt kart med godkjent plassering av anlegget og klageskjema fylgjer vedlagt.

Klage

Vedtaket kan påklagast. Sjå om dette i vedlagde orientering. Ei eventuell klage skal framsettast til Hordaland fylkeskommune, sjølv om klaga gjeld vedtak fatta av Fylkesmannen, Mattilsynet eller Kystverket.

I medhald av forvaltningslova sin §27b vert det sett som vilkår for å gå til søksmål at ein har nytta høvet til å klaga. Ein gjer merksam på at eventuell klage ikkje fører til at iverksetjing av vedtaket vert utsett. Det er likevel høve til å søkje om at iverksetjing blir utsett til klagesaka er avgjort.

Bård Sandal
fylkesdirektør regional utvikling

Gudrun Mathisen
seksjonssjef


Brevet er godkjent elektronisk og har derfor inga underskrift.

Kopi:

Fiskeridirektoratet Region Vest
Fylkesmannen i Hordaland, miljøvern- og klimaavdelinga
Mattilsynet DK Bergen og Omland
Kystverket Vest
Lindås kommune

H-OR-17 og H-L-22 Sjøtroll Havbruk AS


Lokalitet 13566 Storskrebukti



Lokalitet 13566 Storskrebukti



Målestokk: 1:5 000



(1) Sendar (stemplet til forvaltningsorganet) Hordaland fylkeskommune Agnes Mowinckels gate 5 PB 7900 5020 BERGEN	Melding om rett til å klage over forvaltningsvedtak (Forvaltningslova § 27 tredje leddet) 26.03.2015
(3) Mottakar (namn og adresse) Sjøtroll Havbruk AS	(4) Klageinstans Fiskeridirektoratet
Denne meldinga gjev viktige opplysningar dersom De vil klage på eit vedtak De er gjord kjend med. Klagerett De har rett til å klage på vedtaket. Kven kan De klage til? Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk (4). Klagefrist Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det. Rett til å krevjegrunggeving Dersom De meiner at vi ikkje har grunngjeve vedtaket, kan De krevje ei slik grunngjeving før fristen går ut. Ny klagefrist blir då rekna frå den dagen De får grunngjevinga. Innhaldet i klaga De må presisere – kva for eit vedtak De klagar på – årsaka til at De klagar – den eller dei endringar De ønskjer – eventuelt andre opplysningar som kan ha noko å seie for vurderinga av klaga Klaga må underskrivast. Utsetjing av gjennomføring av vedtaket Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort. Rett til å sjå saksdokumenta og til å krevje rettleiing Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettleiing om retten til å klage, om framgangsmåten og om reglane for saksgangen. Kostnadene med klagesaka De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynnte for å få endra vedtaket. Klageinstansen (jf. rubrikk (4)) vil orientere Dykk om retten til å krevje slik dekning. Klage til Sivilombodsmannen Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.	
Særlege opplysningar	

X-0073 N (Godkj. 05-95) Elektronisk utgåve